



# Монгол Улс

## 2020 онд эхлэх Австралийн сургалтын тэтгэлэгт хөтөлбөрт өргөдөл гаргах

### Монгол дахь Австралийн сургалтын тэтгэлэгт хөтөлбөр

Австралийн сургалтын тэтгэлэг бол дэлхий дахины хойч үеийн манлайлагчдад Австралид суралцах, судалгаа хийх, мэргэших боломж олгодог олон улсын нэр хүндтэй тэтгэлэг юм.

Тэтгэлэг хүртэгчид сургалт, судалгааны үр дүнд өөрчлөлт хийх мэдлэг, чадвараа хөгжүүлэн, хоёр орны иргэд хоорондын урт хугацааны харилцаа холбоог бэхжүүлэхэд тусалдаг.

Өргөдөл гаргагчдын мэргэжлийн болон хувь хүний манлайлах чанар, академик чадамж, хамгийн чухал нь, Монгол Улсад тулгамдаж буй хөгжлийн сорилтуудыг шийдвэрлэхэд үзүүлэх үр нөлөөг харгалзан үнэлнэ.

Эмэгтэйчүүд, хөгжлийн бэрхшээлтэй иргэд болон нийгмийн цөөнх тэтгэлэгт өргөдөл гаргахыг тууштай дэмжинэ.

### Сургалтын тэргүүлэх чиглэлүүд

Монгол Улсад дараах тэргүүлэх сургалтын чиглэлийг баримтална. Үүнд:

Суралцах чиглэлүүд	Чиглэлүүдийн доторх нарийн мэргэшлүүд
<b>Төрийн албаны удирдлага</b>	Худалдааны эрх зүй Бизнесийн засаглал Эконометрикс Эдийн засаг Хөдөлмөрийн харилцаа Хүний нөөцийн удирдлага Олон улсын харилцаа Эрсдэлийн удирдлага Стратегийн удирдлага
<b>Удирдлага, бизнес ба худалдаа</b>	Актуар судлал Хөрөнгийн удирдлага Аудит Бизнесийн мэдээлэл зүй Санхүү/Санхүүгийн удирдлага Шүүх нягтлан бодох бүртгэл

	Олон улсын бизнес/худалдаа Олон улсын эрх зүй Олон улсын худалдаа Хөдөлмөрийн зах зээлийн эдийн засаг Улс төрийн эдийн засаг
<b>Боловсрол</b>	Боловсролын манлайлал Боловсролын удирдлага Боловсролын сэтгэл судлал Дээд боловсрол (суралцах тодорхой чиглэлийг өргөдөл гаргагч тодорхойлох)
<b>Инженерчлэл, уул уурхай, барилга хот байгуулалт</b>	Иргэний нисэх Дэд бүтцийн инженер Барилгын удирдлага Цахилгааны инженер Электроникийн инженер Байгаль орчны инженер Эрчим хүч/эрдэс баялгийн инженер Дэд бүтцийн хөгжил Ложистикийн удирдлага Материал судлал Материалын инженер Автын инженер Уул уурхайн инженер Хөдөлмөрийн эрүүл ахуй, аюулгүй байдал Тээврийн инженер Тээврийн удирдлага Технологийн инженер Хот/бүс нутгийн төлөвлөлт
<b>Байгаль орчин, хөдөө аж ахуй судлал</b>	Хөдөө аж ахуй Хөдөө аж ахуйн бизнес Биотехнологи Эко-аялал жуулчлал Байгаль орчны боловсрол Байгаль орчны эрх зүй Байгаль орчны удирдлага

	Ойн удирдлага Геологи Газар зүйн мэдээллийн шинжлэх ухаан/технологи Геофизик Гидрогеологи Гидрологи Байгалийн нөөцийн удирдлага Сэргээгдэх эрчим хүч Тогтвортой хөгжил Орон нутгийн хөгжил Мал эмнэлгийн шинжлэх ухаан
<b>Эрүүл мэнд</b>	Эрүүл мэндийн удирдлага Сэтгэл судлал Нийгмийн эрүүл мэнд
<b>Мэдээлэл, харилцаа холбооны технологи</b>	Мэдээллийн удирдлага Мэдээллийн технологийн удирдлага Оюуны өмчийн эрх зүй Нанотехнологи
<b>Нийгэм, соёл ба хөгжил судлал</b>	Хөгжлийн бэрхшээл судлал Жендэр судлал Хүний эрх Олон улсын хөгжил Мэдээлэл, харилцаа холбоо Нийгмийн ажил, нийгмийн хамгаалал судлал

Австрали, Монгол Улсын Засгийн газрууд хамтран эдгээр сургалтын чиглэлийг тогтмол шинэчлэн, хөтөлбөрийн үндсэн зорилгод нийцүүлэн өөрчилдөг. Сургалтын тэргүүлэх чиглэлүүдийн дэлгэрэнгүйг <http://australiaawardsmongolia.org> цахим хуудаснаас үзнэ үү.

### Суралцах түвшин

Сургалтын тэтгэлэг нь Монгол Улсын иргэдэд Австралийн их сургуулиудад магистрийн зэргийн боловсрол эзэмших боломж олгодог.

2020 онд тэтгэлгийг дараах хоёр ангилалд олгоно. Үүнд:

**Ангилал 1:** Төв, орон нутгийн төрийн байгууллага, төрийн их, дээд, дунд сургууль, эмнэлэг, төрийн өмчит аж ахуйн нэгж, үйлдвэрийн газрын албан хаагчид. Энэ ангилалд нийт тэтгэлгийн 55 хувь оногдоно.

**Ангилал 2:** Хувийн хэвшил, иргэний нийгмийн ба төрийн бус байгууллагууд, хувийн эрүүл мэнд, боловсролын байгууллагууд, олон улсын байгууллагын Монгол дахь салбарын ажилтнууд. Энэ ангилалд нийт тэтгэлгийн 45 хувь оногдоно.

Тэтгэлгийг танхимын болон судалгааны магистрын хөтөлбөрт олгоно.

### Австралийн сургалтын тэтгэлгийн үр шим

Сургалтын тэтгэлгийг Австралийн их сургуулиас санал болгосон академик хөтөлбөр, түүний дотор аливаа

бэлтгэл сургалтыг дүүргэх шаардлагатай хугацааны турш олгоно.

Сургалтын тэтгэлэг хүртэгчид дараах дэмжлэг хүртэнэ. Үүнд:

- Австралид ирж, буцах онгоцны зардал
- Австралид очиж суурьших нэг удаагийн тэтгэмж
- Сургалтын бүрэн төлбөр
- Амьжиргааны зардал
- Академик сургалтын удиртгал хөтөлбөр
- Тэтгэлэгт хугацааны эрүүл мэндийн даатгал
- Академик сургалтын нэмэлт дэмжлэг
- Судалгааны ажлын зардал (зөвхөн судалгааны оюутанд хамаарна).

### Болзол шалгуурууд

Австралийн тэтгэлэгт хөтөлбөрт өргөдөл гаргагчид <http://dfat.gov.au/about-us/publications/pages/australia-awards-scholarships-policy-handbook.aspx> холбоост байрлах “Австралийн сургалтын тэтгэлгийн бодлогын гарын авлага”-д дурдсан бүх ерөнхий шалгуурыг хангах ёстой.

### Монгол Улсаас өргөдөл гаргагчдад тавигдах тусгай шалгуурууд

Өргөдөл гаргагчид доорх тусгай шалгууруудыг хангасан байна. Үүнд:

- Монгол болон бусад орны их, дээд сургуульд өргөдөл гаргагчдын эзэмшсэн бакалаврын зэрэг нь Австралийн их сургуулиудад хүлээн зөвшөөрөгдсөн байна.
- Улаанбаатар хотод ажиллаж, амьдардаг өргөдөл гаргагчид 2020 оны 1 дүгээр сарын 1-ний байдлаар хүчинтэй Academic IELTS-ийн голч оноо 5.5-аас доошгүй (эсвэл TOEFL-ийн дүйцэх), нэгж оноо 5.0-аас доошгүй дүнтэй байна.
- Хөдөө орон нутагт ажиллаж, амьдарч байгаа өргөдөл гаргагчид 2020 оны 1 дүгээр сарын 1-ний байдлаар хүчинтэй, Academic IELTS-ийн голч оноо 5.0-аас доошгүй (TOEFL-ийн дүйцэх), үүнээс унших, бичих ур чадварын оноо 5.0-аас доошгүй дүнтэй байна.
- Хөгжлийн бэрхшээлтэй гэдгээ мэдүүлж, нотолсон өргөдөл гаргагчид 2020 оны 1 дүгээр сарын 1-ний байдлаар хүчинтэй, Academic IELTS-ийн голч оноо 5.0-аас доошгүй (TOEFL-ийн дүйцэх), үүнээс унших, бичих ур чадварын оноо 5.0-аас доошгүй дүнтэй байна.
- 1-р ангиллаар өргөдөл гаргагчид 2019 оны 2 дугаар сарын 1-нээс өмнө төрийн албанд хоёр жил тасралтгүй ажилласан байх шаардлагатай. Харин хөгжлийн бэрхшээлтэй гэдгээ мэдүүлж, нотолсон өргөдөл гаргагчид хоёр жил тасралтгүй хөдөлмөр эрхэлсэн байх шаардлагагүй.
- 2-р ангиллын өргөдөл гаргагчид 2019 оны 2 дугаар сарын 1-нээс өмнө хоёр жил хөдөлмөр эрхэлсэн байх ёстой боловч, энэ нь тасралтгүй байх

шаардлагагүй. Харин хөгжлийн бэрхшээлтэй гэдгээ мэдүүлж, нотолсон өргөдөл гаргагчид хоёр жилийн ажил эрхлэлтийг нотлох шаардлагагүй.

#### Санамж:

- IELTS, TOEFL-ийн гэрчилгээ хоёр жил хүчинтэй байдаг. Иймд гэрчилгээний огноо 2018 оны 1 дүгээр сарын 1-нээс хойш байх ёстой.
- Австралийн тэтгэлэгт хөтөлбөрт зөвхөн Academic IELTS-ийн оноог хүлээн зөвшөөрнө. General IELTS-ийн шалгалтыг эс зөвшөөрнө.
- Зөвхөн цаасаар авдаг болон интернетэд суурилсан Official TOEFL-ийн тестийг хүлээн зөвшөөрнө. Institutional TOEFL-ийн оноог хүлээн зөвшөөрөхгүй.
- Өмнө нь гадаадад магистрын түвшний боловсрол эзэмшсэн өргөдөл гаргагч Австралийн сургалтын тэтгэлэгт ижил чиглэлээр өргөдөл гаргаж болохгүй.

#### Онцгой нөхцөлүүд

Өргөдөл гаргагчид өргөдлийн маягтад шаардсан бүх мэдээллийг ирүүлнэ. Өргөдөлд худал мэдээлэл өгсөн, эсвэл тодорхой зүйлсийг үл мэдүүлсэн бол хууран мэхэлсэн гэж үзэх боломжтой.

*Сургалтын тэтгэлгийн бодлогын гарын авлагын 3 дугаар хэсгийг үзнэ үү.*

#### Өргөдөл хүлээн авах хугацаа

2020 онд Австралид эхлэн суралцах тэтгэлгийн хувьд:

**Эхлэх өдөр:** 2019 оны 2 дугаар сарын 1

**Дуусах өдөр:** 2019 оны 4 дүгээр сарын 30 (Австралийн цагаар 23:59)

Хугацаа хоцорсон өргөдөл, эсвэл дагалдах бичиг баримтыг хүчингүйд тооцно.

#### Өргөдөл гаргах үйл явц

##### Цахим өргөдөл

Бүх өргөдлийг <https://oasis.dfat.gov.au> цахим хуудсаар ирүүлнэ.

Өргөдөл гаргагчид дурдсан хугацаанд цахим өргөдөл гаргана. Өргөдөл хаах хугацаа ойртох тусам Цахим өргөдлийн системийн (OASIS) ачаалал эрс нэмэгдэж, саатал учирч болзошгүйг анхаарна уу.

##### Өргөдлийн хэвлэмэл хувь

Интернэт ашиглах боломжгүй аймаг, алслагдсан орон нутгаас өргөдөл гаргагчид Монгол дахь Австралийн тэтгэлэгт хөтөлбөрийн газартай даруй холбогдож (11 318852), өргөдөл гаргах хувилбаруудын талаар ярилцана уу.

##### Бүрдүүлэх бичиг, баримтууд

Өргөдөл гаргагчид *Сургалтын тэтгэлгийн бодлогын гарын авлагад* жагсаасан бүх бичиг, баримтыг бүрдүүлж, өргөдөлд хавсаргана.

Өргөдөл гаргагчид Монгол Улсад зориулсан тусгай шаардлагыг хангахын тулд дараах бичиг, баримтыг бүрдүүлж, өргөдөлд хавсаргана.

Бичиг баримтын төрөл	Нотариатаар баталгаажуулах эсэх
Төрсний гэрчилгээ (эх материалын хуулбар <b>ба англи орчуулга</b> )	Тийм
Монгол Улсын Иргэний үнэмлэх	Тийм
Дээд боловсролын гэрчилгээ (бакалавр, магистрын түвшин; эх материалын хуулбар <b>ба англи орчуулга</b> )	Тийм
Дипломын хавсралт (эх материалын хуулбар <b>ба англи орчуулга</b> )	Тийм
Нийгмийн даатгалын дэвтрийн хуулбар (шимтгэл төлж, баталгаажуулсан) <b>эсвэл</b> 2017 оны 2 дугаар сарын 1-нээс 2019 оны 2 дугаар сарын 1-ний хугацаанд ажилд томилсон тушаал <b>эсвэл</b> хөдөлмөрийн гэрээ <b>Жич:</b> Хөгжлийн бэрхшээлтэй гэдгээ мэдүүлж, нотолсон өргөдөл гаргагчдад үл хамаарна. <b>Жич:</b> 2-р ангиллаар өргөдөл гаргагчид хоёр жил хөдөлмөр эрхэлснээ нотлох шаардлагатай. Энэ хөдөлмөр эрхлэлт нь тасралтгүй байх шаардлагагүй.	Тийм
IELTS <b>эсвэл</b> TOEFL-ийн гэрчилгээний хуулбар	Үгүй
Одоо хөдөлмөр эрхэлж буйг тодорхойлсон Ажил олгогчийн албан захидал (байгууллагын тамгатай монгол эх <b>ба англи орчуулга</b> ) <b>Жич:</b> Хөгжлийн бэрхшээлтэй гэдгээ мэдүүлж, нотолсон өргөдөл гаргагчдад үл хамаарна.	Үгүй
Академик тодорхойлолт (тамгатай) Судалгааны магистрын өргөдөл гаргагчид Академик байгууллага, эрдэмтний хоёр тодорхойлолт, танхимын магистрын өргөдөл гаргагч нэг тодорхойлолт хавсаргана. Хэрэв тодорхойлолтууд монгол хэл дээр бол, англи орчуулга хэрэгтэй. Маягтын загварыг OASIS болон Монгол дахь Австралийн тэтгэлэгт хөтөлбөрийн цахим хуудаснаас татаж авна.	Үгүй

Ажил байдлын тодорхойлолт (тамгатай). <i>Тодорхойлолтыг дээр дурдсан загварын дагуу бичнэ. Монгол хэлээр бол англи орчуулгыг хавсаргана.</i> <b>Жич:</b> Хөгжлийн бэрхшээлтэй гэдгээ мэдүүлж, нотолсон өргөдөл гаргагчдад үл хамаарна.	Үгүй
Товч намтар ( <i>англи хэлээр</i> )	Үгүй
Буцаан байршуулах төлөвлөгөө: (Ажил олгогч, Өргөдөл гаргагч нар гарын үсэг зурсан байна) Хөтөлбөрийн цахим хуудсанд байрлуулсан маягтын дагуу бичнэ. Интернетэд холбогдох боломжгүй өргөдөл гаргагчид Монгол дахь Австралийн тэтгэлэгт хөтөлбөрийн газартай холбогдоно уу (11 318852).	Үгүй

## Сонгон шалгаруулах үйл явц

### Болзол хангасан эсэхийг баталгаажуулах

Өргөдөл хүлээн авах хугацаа дууссаны дараа өргөдөл тус бүр болзол шалгуур хангасан эсэхийг шалгаж, бичиг баримтын бүрдүүлэлт, нотариатаар баталгаажуулсан байдал /шаардсаны дагуу/, хүчинтэй эсэхийг нягтална. Сонгосон курсууд нь батлагдсан суралцах чиглэл, мэргэшилд нийцсэн үгүйг мөн тогтооно.

### Техник үнэлгээ

Болзол шалгуур хангасан өргөдлүүдийг хараат бусаар үнэлж, эрэмбэлэн, Монгол дахь Австралийн сургалтын тэтгэлэгт хөтөлбөрийн газарт ирүүлнэ.

### Хураангуй нэрсийн жагсаалт гаргах

Монгол, Австралийн төлөөллөөс бүрдсэн комисс хураангуй жагсаалтыг гаргана. Тус комисс Монгол, Австралийн Засгийн газруудын тэргүүлэх чиглэлүүдэд хамгийн сайн нийцсэн, академик сургалтад амжилт гаргах чадамжтай, бусдыг манлайлах ирээдүйтэй, Монгол Улсын хөгжилд бодитой хувь нэмэр оруулахаа нотлон харуулсан өргөдөл гаргагчдыг энэхүү жагсаалтад оруулна.

### Ярилцлага

Хураангуй жагсаалтад орсон бүх өргөдөл гаргагчтай ярилцлага хийнэ. Сонгон шалгаруулах комисс шалгуур үзүүлэлтүүдийг хамгийн сайн хангасан, Монгол Улсын хөгжилд бодитой хувь нэмэр оруулахаа харуулсан өргөдөл гаргагчдыг сонгож, зөвлөмж гаргана.

Зөвлөмжид багтах нэр дэвшигчдийн тоо тэтгэлэг горилогчдын чансаа, Монголд олгох сургалтын тэтгэлгийн тооноос хамаарна. Тэтгэлэг хүртэх нэр дэвшигчдийг Австралийн Засгийн газар батлана.

## Австралийн сургалтын тэтгэлгийн санал

Тэтгэлэгт нэр дэвшигчид Австралийн сургалтын тэтгэлгийг хүртэхийн өмнө Австралийн их сургуулиас хуваарь авч, оюутны визний (эрүүл мэндийн) шаардлагуудыг бүрэн хангасан байна.

### Бэлтгэл сургалт

Тэтгэлэг хүртэгчид Австралийн их сургуулийн курсэд элсэхийн тулд англи хэлний шаардлага хангасан байна. Academic IELTS-ийн 6.5-аас доош голч оноотой (Official TOEFL-ийн дүйцэх оноотой) шалгарсан хүмүүс ажлаас бүрэн чөлөөлөгдөж, Монголд 26 долоо хоног хүртэлх хугацааны англи хэлний сургалтанд зайлшгүй хамрагдана.

Academic IELTS-ийн 6.5-аас доошгүй оноотой (нэгж оноо 6.0-гаас доошгүй) хүмүүс Монголд Академик сургалтын хөтөлбөрт хамрагдана.

Тэтгэлэг хүртэгчид явахаасаа өмнө үдэлтийн өмнөх сургалт семинарт оролцоно.

### Сонгон шалгаруулалтын үр дүн

Сонгон шалгаруулалтын тодорхой шатанд тэнцээгүй өргөдлийн талаар өргөдөл гаргагчид мэдээлнэ.

Ярилцлагад орсон нэр дэвшигчдийн дүнг 2019 оны 7-р сард сонгон шалгаруулалт дуусмагц мэдэгдэнэ.

### Дэлгэрэнгүй мэдээлэл

Австралийн сургалтын тэтгэлгийн талаарх дэлгэрэнгүй мэдээллийг доорх холбоосоор орж үзнэ үү:

<http://australiaawards.gov.au/Pages/default.aspx>

Виз, Австралийн сургалтын тэтгэлгийн эрх үүрэг, нөхцөлүүдтэй холбоотой мэдээллийг Сургалтын тэтгэлгийн бодлогын гарын авлагаас авч болно:

<http://dfat.gov.au/about-us/publications/pages/australia-awards-scholarships-policy-handbook.aspx>

Австралийн сургалтын тэтгэлэг болон Австралид суралцах талаар илүү дэлгэрэнгүй мэдээллийг дараах хаягаар орж үзнэ үү:

<http://dfat.gov.au/people-to-people/australia-awards/pages/australia-awards.aspx>

[www.dfat.gov.au](http://www.dfat.gov.au)

<http://australiaawardsmongolia.org>

<http://cricos.education.gov.au/>

### Холбоо барих хаяг

Байгууллага: Монгол дахь Австралийн сургалтын тэтгэлэгт хөтөлбөр

Хаяг: Улаанбаатар хот, Сүхбаатар дүүрэг

Б.Алтангэрэлийн гудамж 14200

Сити центр барилгын 702 тоот

Утас: +976-11-318852

Цахим шуудан: [info@australiaawardsmongolia.org](mailto:info@australiaawardsmongolia.org)

Цахим хуудас: <http://australiaawardsmongolia.org>